

太平天国印書

第十六冊

資政新篇
天父天兄天王太平天国己未九
年會試題
開朝精忠軍師千王洪寶製
王長兄親目親耳共証福音書
次

資
政
新
篇

太平天國己未年九月初九日鑄

欽命文衡正總裁開朝精忠軍師干王洪製

資政新篇

旨准頒行

天國開朝精忠軍師殿右軍千干洪

誼諭

照得治國必先立政而爲政必有取資

本軍師恭膺

聖命總理朝綱爰綜致治大略編成資政新篇一則恭

獻

聖鑒已蒙

旨准並蒙

聖照此篇傳鐫刻官遵刻頒行今已遵
旨將原奏刊刻頒行咸使聞知

小弟仁珩跪在我

眞聖主萬歲萬歲萬萬歲陛下奏爲條陳欵列善鋪國政
以新民德並跪請

聖安事緣

小弟

自粵來

京不避艱險非圖爵祿之榮實

欲備陳方策以廣

聖聞以報

聖主知遇之恩也夫事有常變理有窮通故事有今不可
行而可豫定者爲後之福有今可行而不可永定者
爲後之禍其理在于審時度勢與本末強弱耳然本
未之強弱適均視乎時勢之變通爲律則自今而至

後自小而至大自省而至國自國而至萬邦亦無不可行矣其要在於因時制宜審勢而行而已茲謹將所見聞者條陳于後以廣

聖聞以備

聖裁以資國政庶有小補云爾

昔周武有弟名旦作周禮以肇八百之畿高宗夢

帝賚弼致殷商有中葉之盛惟在乎設法用人之得其當耳蓋用人不當適足以壞法設法不當適足以害人可不慎哉然于斯二者並行不悖必于立法之中得乎權濟試推其要約有三焉一以風風之二以法法之一

欽定策

是也

以刑刑之三者之外又在奉行者親身以倡之真心以踐之則上風下草上行下效矣否則法立弊生人將效尤不致作亂而不已豈法不善歟實奉行者毀之爾

用人察失類

一禁朋黨之弊

朝廷封官設將乃以護國衛民除姦保良者也倘有結盟聯黨之事是下有自固之術私有倚恃之端外爲假公濟私之舉內藏弱本強末之弊爲兵者行此而爲將之軍法難行爲臣者行此而爲君之權謀下奪良

民雖欲深倚於君，無柰爲所隔絕，是不可以不察也。倘欲真知其爲朋奸者，每一人犯罪，必多人保護隱瞞，則宜潛消其黨，勿露其形。或如唐太宗之責尉遲恭，以漢高故事，或如漢文之責吳不置，而賜杖以愧之，亦保全之一道也。若發洩而不能制，反遭其害，貽禍不淺矣。倘至兵強國富，俗厚風淳之日，又有朝發夕至之火船火車，又有新聞篇以洩姦謀，縱有一切詭弊難逃。

太陽之照矣。

甚矣習俗之迷人，賢者不免，況愚者乎！卽至愚之輩

亦有好勝之心必不服人所教且觀今世之江山竟
是誰家之天下無如我中花之人忘其身之爲花甘
居韃妖之下不務實學專事浮文良可慨矣請試言
之文士之短簡長篇無非空言假話下僚之稟帖面
陳俱是讒諂讚譽商賈指東說西皆爲奸貪詭譎農
民勤儉誠樸目爲愚婦愚夫諸如雜教九流將無作
有凡屬妖頭鬼卒喉舌模糊到處盡成荆棘無往不
是陷坑倘得真心實力衆志成城何難親見太平景
象而成爲千古英雄復見新天新地新世界也夫

風風類

欽定此策

是也

夫所謂以風風之者、謂革之而民不願、興之而民不從、其事多屬人心矇昧、習俗所蔽、難以急移者、不得已以風風之、自上化之也。如男子長指甲、女子喜纏腳、吉凶軍賓、珥屑儀文、養鳥鬥蟀、打鵲賽勝、戒褊手鐲、金玉粉飾之類、皆小人驕奢之習、諸如此類、難以枚舉。禁之不成、廣大之體、民亦未必凜遵。不禁、又爲敗風之漸。惟在在上者、以爲可恥之行、見則鄙之、忽之、遇則怒之、撻之、民自厭而去之、是不刑而自化、不禁而自弭矣。倘民有美舉、如醫院、禮拜堂、學館、四民院、四疾院等、主則親臨、以隆其事、以獎其成、若無此

舉則詔諭宣行是厚風俗之法也如毀謗譖妒等弊皆由風俗未厚見識未廣制法未精是以人心虞擬不平而鳴矣又如演戲鬥劇菴寺和尼凡此等弊則立牧司教導官親身教化之憐憫之義怒之務去其心之惑以拯其迷也中地素以驕奢之習爲寶或詩畫美艷金玉精奇非一無可取第是寶之下者也夫所謂上寶者以

天父上帝

天兄基督聖神爺之風三位一體爲寶一敬信間聲色不形肅然有律誠以此能格其邪心寶其靈魂化其愚蒙

寶其才德也。中寶者，以有用之物爲寶，如火船、火車、鐘鏢、電火表、寒暑表、風雨表、日晷表、千里鏡、量天尺、連環鎗、天球、地球等物，皆有探造化之巧，足以廣聞見之精。此正堂堂之技，非婦兒掩飾之文，永古可行者也。

且夫談世事，足以開人心；論九流，足以惑衆志。釋聃尙虛無，尤爲誕妄之甚；儒教貴執中，罔知人力之難。皆不如福音真道，有公義之罰，又有慈悲之赦。二者兼行，在於

基督身上擔當之也。此理足以開人之蒙蔽，以慰其心，又足

以廣人之智慧以善其行人能深受其中之益則理明欲去而萬事理矣非

基督之弟徒

天父之肖子乎究亦非人力所能強必得

上帝聖神感化而然也 上帝之名永不必諱

天父之名至大至尊至貴至仁至義至能至知至誠至足至榮至權何礙一名字若說正話講道理雖千言萬語亦是讚美但不得妄稱及發誓褻瀆而已若諱至數百年之久則又無人識

天父之名矣况

正典集 一
爺火華三字乃猶太土音譯卽自有者三字之意包涵無所不知無所不能無所不在自然而然至公義至慈悲之意也

上帝是實有自天地萬有而觀及

基督降生而論是實有也蓋

上帝爲爺以示包涵萬象

基督爲子以示顯身指點

聖神上帝之風亦爲子則合父子一脉之至親蓋子亦是由父身中出也豈不是一體一脉哉總之謂爲

上帝者能形形能象象能天天能地地能始終萬物而自無始終造化庶類而自無造化轉運四時而不爲時所轉

欽定四庫全書
是也

變通萬方而不爲方所變，可以名指之曰：自有者，卽大主宰之。

天父上帝，救世主如一也。蓋子由父出也，視子如父也。若諱此名，則此理不能彰矣。

法法類

所謂以法法之者，其事大關世道人心，如綱常倫紀、教養大典，則宜立法以爲準焉。是下有所趨，庶不陷於僻矣。然其不陷於僻而登於道者，必又教法兼行，如設書信館以通各省，郡縣市鎮公文，設新聞館以收民心，公議及各省郡縣貨價低昂，事勢常變，上覽

之得以資治術，士覽之，得以識變通，商農覽之，得以通有無，昭法律，別善惡，勵廉恥，表忠孝，皆借此以行其教也。教行則法著，法著則知恩，於以民相勸戒，才德日生，風俗日厚矣。此立法善而施法廣，積時久而持法嚴，代有賢智以相維持，民自固結而不可解，天下永垂而不朽矣。然立法之人，必先經磨鍊，洞悉天人性情，熟諳各國風教，大小上下，源委重輕，無不了然於胸中者，然後推而出之，乃能穩愜人情也。若恐其久而有差，更當留一律，以便隨時損益小紀，彰明大綱也。蓋律法者，無定而有定，有定而無定，如水之